

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli, Timor-Leste / Mobile Phone +670 77999304/ 77236782/ forumong.tl@gmail.com, joaofreitas.fongtil@gmail.com/ www.fongtil.org

SUBMINASAUN FONGTIL

BA PARLAMENTU NASIONAL KOMISAUN A
KONABA PROJETU LEI No 6/V/2a LEI PUDER LOKAL E
DESENTRALIZASAUN ADMINISTRATIVA

Introdusaun.

Forum ONG Timor-Leste (FONGTIL) hanesan Organizasaun sombriña ba ONG Lokál, Nasionál no Internasionál ne'ebé eziste iha Timor-Leste ho total membru 230 (Lokal-Nasionál 203 no Internasionál ONG 27). FONGTIL hanesan organizasaun ne'ebé ho karakterístiku la buka lukru, non-partisan, non-sectarian, no sai nudár parseiru kritiku ba instituisaun Órgaun Soberania iha prosesu harii nasaun. FONGTIL firme ho pozisaun hanesan organizasaun independente hodi hala'o kontrola sosiál no haforsa involvimentu sociedade sivíl iha prosesu Dezenvolvimentu Nasionál.

Dala ida tan FONGTIL hatoo Saudasoens ba Presidente komisaun A no Deputados hotu iha Komisaun A. FONGTIL hare katak segundu projetu lei No 5/V2a lei eleitoral municipal no Projetu de lei No 6/V/2a lei do poder local e da descentralizasaun administrativa hodi asegura descentralizasaun poder husi governu sentral ba governu local ne'ebe mais efektivu, FONGTIL konsidera asunto descentralizasaun nudar agenda prioridade, maibe projetu lei rua ne'e seidak hatur di-diak prinsipiu sira tuir konstituisaun RDTL artigu 5 no artigu 72.

Forum Organizasaun Naun-Govermental Timor-Leste (FONGTIL) realiza konsulta pública ba membru FONGTIL sira durante loron 1 nia laran, 31 Maio 2021 kona ba projetu Lei Podér Lokál no Desentralizasaun Administrátiva. Tuir mai nu'udar rekomendasaun sira ne'ebe FONGTIL no nia membru organizasaun konsidera inportante nudar kestaun prinsipal wainhira koalia kona ba poder local no descentralizasaun administrativa.

Komentariu Geral FONGTIL nian

Projetu lei ne'e tau hamutuk deit assunto importante tolu (3) ne'ebe tuir los tenki regula ketak-ketak hanesan; Fontes Finansiamentu tenki lei ketak, Asosiasaun Municipais no atribuisaun kompetensia. Klaramente Lei poder local sita hotu iha laran maibe artigo especialidade nian ne'e tenki monta iha lei foun ka lei ketak ida, defisil ba ami atu intende.

Iha projetu lei ne'e la estabese kriteria, hodi define kondisoens saida maka bele priense par depois nia bele sae ba Munisipiu. Agora dadauk ita iha 12 Munisipiu, no RAEOA struturamente aban bain rua postu administrativu ida nia populasaun bo'ot nia mos bele aplika neneik-neneik sai Munisipiu. Ho kriterius hanesan ne'e neneik-neneik obriga munisipiu sira hotu-hotu kria kondisoens, servisu makas e bele hakat ba Munisipiu.

Espozisaun motivu

Iha Espozisaun Motivunian temi kona ba "Ho estabesimentu ba poder lokal ne'e, Estadu buka promosaun ba koezaun ekonómika, sosiál no territoriál husi ita nia País liu husi involvimentu no partisipasaun ativa husi sidadaun hotu-hotu iha prosesu dezvoltamentu lokal no nasional. Seidauk konsidera assunto IGUALDADE JÉNERU no INKLUZIVU SOSIÁL nu'udar sentru importante ida iha substánsia Lei Podér Lokál e Desentralizasaun Administrativa. Inkluzasaun Sosiál katak atu asegura partisipasaun ema ho difisiensia iha Desentralizasaun Admistrativa.

Artigu 50.2 konaba designasaun veteranus. Sugere atu konsidera prezenca veteranus nian ba period 2-3 deit no bele involve sira iha komposisaun konselu local artigu 80 lei ida ne'e.

Artigu 53 kona-ba Renúnsia ba mandate laiha esplikaun klaru no espesífiku kona ba oinsá atu ezejuta prosesu substituisaun ba Deputadu Munisípiu ni'an wainhira iha reúnzia ba mandatu Presiza define iha Artigu ida, prosesu renúnsia ba mandatu no mos hare kona ba prosesu substituisaun. Presiza mós iha regras/kriteria Assembleia Munisípiu ne'ebé klaru kona-ba substituisaun atu prevene konflitu de interese entre deputadu iha Assembleia Munisipál sira iha kada munisípiu. Tenke asegura prosesu substituisaun ne'e la'o tuir méritu no nakloke ka transparente ba membru hotu ne'ebé iha kapasidade atu kompete.

Artigu 58: (a to'o h) ko'alia kona-ba 'dever sira husi Deputadu Munisípiu nian'. Entre dever hotu ne'ebé temi, la inklui dever hodi halo fiskalizaun ba projetu sira iha nivel munisípiu. Se la asegura prosesu fizkalizaun iha Artigu ne'e, entaun ne'e bele signifika katak Deputadu sira laiha dever hodi halo fiskalizaun ba projetu iha nivel Munisípiu. Oinsa ita bele asegura efetividade no efikasias servisu projetu iha Munisípiu? Oinsa autoridade munisípiu sira hatene kona-ba

rezultadu projetu ida hetan susesu ka lae? no dezafiu saida mak sira infrenta atu bele hadi'a liu tan projetu Munisípiu sira iha futuru?.Aumenta Artigu foun ida kona ba 'dever husi Deputadu Munisípiu atu halo fiskalizaun ba projetu hotu iha nivél Munisípiu hodi aseguara servisu projetu ho efektividade no efikásia.Tenke aumenta Alinea foun ida kona-ba planu trimestral Deputadu Munisipál nian hodi halo sorumutu ofisiál ho comunidade no sosiadade atu rona sira nia preukupasaun no problema sira iha baze.

Artigu 61: 2 hateten katak Meza Assembleia Munisipál nian ne'e kompostu husi Prezidente ida no Sekretáriu rua ne'ebé eleitu husi votu sekretu husi Deputadu Munisipál, hafoin verifikasaun kona ba identidade no legitimidade husi eleitu sira, no prosesu eleisaun garante husi ema sira ne'ebé hala'o servisu instalasaun ba Assembleia Munisipál foun. Ami nia preukupasaun mák Sekretáriu nain ida ne'e la mensiona kona-ba **igualdade jéneru**. Ami tau atensaun boot tebes hodi promove igualdade jéneru iha nivél munisipiu, maibé, iha Artigu ne'e lako'alia espesifiku kona-ba sexo ne'ebé sei hili husi Deputadu Munisípiu nian asumi pozisaun Sekretáriu Assembleia Munisipál. 1.Ami propoin para hili Sekretáriu nian rua ne'e bele feto 1 no mane 1 nu'udár Sekrtáriu Assembleia Munisipál. Ida ne'e sai nesesidade importante ida atu aseguara promosaun ba igualdade jéneru iha nivél munisipál no mós bele hametin liu tan koordensaun no servisu hamutuk entre sexo diferente.2. Husu ba partidu sira ne'ebe mák hetan asentu iha Assembleia Munisípiu tenke fó konsiderasaun ba **igualdade jéneru** ba kompozisaun iha Meza Assembleia Munisípiu.

Artigu 80: 1 (a – e) ko'alia kona-ba kompozisaun Konsellu Konsultivu Munisipál.Iha kompozisaun ba Konsellu Konsultivu Munisipál nian ne'e, ami preukupa oituan tamba laiha representate husi sosiadade sivil, organizaun ema ho defisiensia, akademika no representate grupu relijioza. Desde organizaun sira ne'e hala'o papel importante ba desenvolvimentu ekonomia no politika rai laran, ami hanoin sira nia prezensa mós esensial ba iha Konsellu Konsultivu Munisipál. Ami sujere atu kria ka aumenta tan Alinea ida iha **Artigu 80** kona-ba representate **sosiadade sivil, organizaun ema ho defisiensia, akademika ho Igreja** ba iha Konsellu Konsultivu Munisipál nian hodi fó sira nia kontribuisaun ba iha desenvolvimentu nivél munisipál.

Artigu 87:1 (m) hatete katak Prezidente Munisípiu nia kompeténsia atu aprova dokumentu hirak ne'ebé refere ba projetu, programa kona-ba konkursu, kadernu enkargus no adjudikasaun kona-ba obra no akizisaun ba bein no servisu sira. Presiza define ho klaru projetu saida mák Prezidente Munisípiu bele aprova nia dokumentu. Bele fó dalan ba Prezidente atu halo abuzu de podér se la liu husi Assembleia Munisipál no se la defini ho klaru tipu projetu no montante orsamentu hira mák Prezidente Munisípiu bele aprova nia dokumentu antes prosesu implementasaun. Antes aprova dokumentasaun projetu nian, Presidente Munisípiu presiza apresenta no diskute iha Meza Plenária iha Assembleia Munisipál no aprova husi Assembleia Munisipál molok Prezidente aprova.

Artigu 125. Postu Adminsitrátivu sira Presiza defini ho klaru oinsa atu garante sidadaun sira nia partisipasaun no mos oinsa fo dalan hodi Komunidade sira hato'o sira nia opiniaun direta ba Postu Administrativu no Prezidente Munisípiu?

Iha artigu ne'e prevee de'it mak oinsa Parte Postu Adminsitrátivu mak sei Konsulta bebeik ho Komunidade, maibé la temi oinsa se Komunidade mak hakarak konsulta ba Postu Adminsitrátivu, no se Komunidade presiza diskute direta ho prezidente munisípiu no membru Assembleia munisipál, ne'e la prevee iha esbosu lei ne'e. Entaun ne'e halo prosesu partisipasaun no foti desizasaun sei nafatin dook husi povu. Kontrariu tebes ho Expozisaun Motivu ne'ebé dehan katak "partisipasaun ativa husi sidadaun hotu-hotu iha prosesu dezvoltimentu lokál no nasionál." Presiza kria Artigu ida hodi define dalan ba Komunidade atu konsulta no diskute direta Postu Adminsitrativu no mos ho Prezidente Munisípiu no Assembleia Munisipál nia membru sira.

Rekomendasaun FONGTIL

Bazeia ba informasaun ne'ebe ami asesu katak Sua Exelensia Presidente Republika veta lei ne'e ita tinan 2017 tanba mos artigu 33 no 34 ne'ebe koalia konaba atribuisaun kompetensia. Presidente da republika veta tanba atribuisaun kompetensia iha no 1 alinea c,g no m no artigu 34 pontu 1 alinea f no pontu 2 b,c no d sobre kompetensia atu rekolha taxa husi mineru no multa koema husi empresario sira no seluk tan. FONGTIL hanoin katak ida ne'e tenki delega ba municipio nune sira bele dezvoltolve atu hetan reseitas ba municipio nian.

Dili, 2 june 2021

Daniel Santos do Carmo
Director Executivu FONGTIL

